



Arkivnr: 2018/16480-17

Saksbehandlar: Silje Lyngstad

Saksframlegg

Saksgang

Utval	Saknr.	Møtedato
Fylkeseldrerådet i Hordaland		04.12.2018

Uttale til sak om "Handlingsprogram til 2019-2020. Kollektivstrategi for Hordaland"

Samandrag

Den 22.11.2018 gjekk det ut ei pressemelding frå Hordaland Fylkeskommune kor det blei annonsert at administrasjonen i Hordaland Fylkeskommune og Bergen kommune har gått i dialog for å vurdere eit tettare samarbeid om kollektivtrafikken i Bergensområdet. Bakgrunn er eit felles ønske om å sikre betre samordning og styrke tilbodet til dei reisande.

Vidare prosess er i første omgang behandling i dei politiske utvala i Hordaland fylkeskommune. Det er meldt opp ei politisk sak om handlingsprogram 2019-2022 som skal behandlast i utval for miljø og samferdsel 28.11, fylkesutvalet 06.12 og fylkestinget 11.12.

Saka «Handlingprogram 2019-2020. Kollektivstrategi for Hordland» gjer greie for planar for utvikling av linjenett og rutetilbod mellom anna knytt til utbygging av Bybanen og nye kollektivanbod. Handlingsprogrammet gir også oversikt over korleis ein vil arbeide vidare med betre informasjon til dei reisande, enklare billetter og betalingsløysingar, auka kunnskap om rutetilbodet og å gjere kollektivsystemet meir synleg.

Fylkeseldrerådet vert bedne om å sjå over saka og ta stilling til om ein ønskjer å kome med ei uttale. Ettersom fylkeseldrerådet ikkje har rådsmøte før 04.12.18 er fristen for å melde ei eventuell uttale opp til fylkesutvalet 06.12 utgått. Alternativet er at ein skriv ei uttale som ein sender på e-post til utvalsmedlemmane i fylkesutvalet. Fylkessekretariatet vil vere behjelpeleg med å sende ut e-post.

Forslag til vedtak

Fylkeseldrerådet sender ei uttale om saka på e-post til utvalsmedlemmane i fylkesutvalet innan 06.12.18.

Bertil Søfteland
leiar fylkessekretariatet

Silje Lyngstad
rådgjevar

Saksframlegget er godkjent elektronisk og har derfor inga underskrift.